

黃氏逸書考

子史鈎沉

逸書考

王隱晉書地道記

甘泉黃奭學

司州河南郡

田橫死於是亭故改曰尸鄉

水經穀水酈注陽渠水又東逕

毫殷南班固曰尸鄉故殷湯所都者也故亦曰湯亭下引地道記云云畢氏沅本以尸

鄉故殷湯所都者也亦曰湯亭冠於上案此

是班固語不知地道記原文何若故止錄用

橫十一字而以水經注所引班固語載於下

金谿王謨本無此條畢注右雜陽案郡

國志河南尹偃師有尸鄉劉昭注前書田橫

自殺處檢晉志河南郡無偃師不知省併何

縣案路史國名紀七尸召伯逆王于尸周邑

也在鞏西南故偃師之尸鄉卽尸氏據此可

一

王憲晉書也首記

屬於鞏晉志河南郡有鞏縣

去雒城四十里

續漢書郡國志一河南尹河南周公時所城雒邑也春秋

時謂之王城劉昭注補引畢本王本去雒上俱有王城二字案當作河南蓋王城是春秋時名號兩漢及晉但云河南不云王城也

在縣西南有蒯亭

郡志一河南尹河南有蒯鄉劉昭注引王本冠河

南有蒯鄉五字於上是用郡志之文今不知原文何若故不從按其文義蓋謂蒯鄉在河南縣西南其地有蒯亭也畢注右河南蒯作鄉

在縣之東

郡志一河南尹鞏有東訾聚今名訾城劉注引王本作訾城在穀

城縣之東案郡志穀城縣下有緄氏縣後方至鞏縣地道記此語繫於鞏下何得云在穀

城縣之東所引大誤

坎埽聚在南

郡志一河南尹鞏有坎埽聚劉注引地道記在南

水經洛水

注引坎埽聚在鞏西案劉引在南鄴引在西必有一誤又郡志注引此語上文引杜預曰在縣東三方不同畢注右鞏

濟自大伾入河與河水鬪大伾在成臯古成

臯包鞏縣之界溢出爲滎水東流過陽武及

封邱縣

河學記下

又東過冤

原譌作黨

胸縣南至

定陶縣南之東北流與菏水會東至乘氏縣

西分爲二其一東北流入鉅野澤過壽張西

而與汶水合又北過穀城縣西又東北過廬

縣經濟郡

初學記膚縣下有北字濟郡作齊郡

東萊縣而入海

也尚書稱導沇水東流爲濟河水所經也

初學

記河水所經也作入于河

又東北會於汶又

北東入於汶是也

曲覽六十一

畢本引至

初學記六引濟自大伾入河與河水鬪南洪爲榮澤

至東北入于海是也與御覽同而小異案

濟水出河東垣縣王屋山初名沇水東出温

西始名濟水又東南流當鞏縣之北而

入河與河並流過成臯下小注引地道記

至兼包鞏縣之界下又作大字云溢出爲滎  
云云蓋蒙上引水經注而言也御覽一槩連  
接俱以爲地道記誤矣今姑從王本錄入而  
附辯於下 畢注右成臯不引初學記

河決爲滎濟水受焉故有濟隄爲北濟也  
濟水注引王隱曰 畢本無此條

潁水出陽乾山

郡志二潁川郡陽城有嵩高山洧水潁水出劉注引 畢

注右陽城陽乾乾字作城

去雒陽二百八十里屬河南

郡志二潁川郡陽翟禹所都劉

注引

鈞臺下有陂俗謂之鈞臺陂

太平寰宇記河南道許州陽翟

縣畢注右陽翟鈞臺並作鈞臺有陂作有  
城均誤路史後紀六注引連山陽文啟筮  
享神於大陵之上卽鈞臺也鈞臺在陽翟地  
道記云下有鈞臺被俗謂之臺陂案被是陂  
字之誤臺陂上脫鈞字案郡志陽翟有鈞  
臺劉注左傳曰夏啟有鈞臺之享畢引寰宇  
記王引路史俱作鈞臺大誤鈞臺陂詳見水  
經穎水注

陽翟本櫟也故穎川郡治也城西有郭奉孝

碑水側有九山祠碑叢柏猶茂北枕川流水經

穎水注引王隱曰畢本無此條城西以  
下疑是酈注

櫟翟也今許之陽翟莊公城櫟置子元路史

紀五 畢本王本俱無此條

# 滎陽郡

令縣名在滎陽

史記高祖功臣侯者年表索隱路史國名紀七令注云

滎陽見地道記

右郡案晉志滎陽無令縣故附之郡畢本王本俱無此條

京有大索小索亭漢書京索之間也

水經濟水一注

畢注右宗

陽武滎陽有博浪沙張良爲韓擊秦始皇處

御覽

白五十九

復宇記河南道東京陽

武縣

史記正義引鄭州陽武縣有博浪沙

案鄭州

是唐武德四年平王世充置

畢注

右陽武

案前漢志河南郡陽武下注有博

浪沙晉志

滎陽縣卷下注有博浪沙張良擊

秦始皇處

而於陽武下反不注疑誤

與本



無史正義

王隱晉書地道記

弘農郡

漢弘農本函谷關有桃林也

寰宇記河南道陝州靈寶縣

亭在弘農縣東十三里

水經河水四注河水右會谷水水出南山

曹陽亭引地道記云云

案此亭是謂曹陽亭畢本作宏農亭誤

水西北流入于河八字案是水經注語非地道記也

畢注右宏農

胡縣

水經河水四注荆山在焉翊首山在蒲坂與胡縣相連晉書地道記太康記並

言胡縣也漢武帝改作湖俗云黃帝自此

龍工天也地理志口京兆湖縣畢本胡縣下有漢武帝改作湖六字案水經注止引胡縣也是地道志文其漢武帝以下是鄴注不

然則連下俗云十一字俱是地道志矣  
本作京兆湖縣案此四字是木經注引漢志  
與上文全別而以爲地道志誤矣檢漢書地  
理志京兆尹湖縣下注云有周天子祠二所  
故曰胡武帝建元元年更名湖又郡國志弘  
農郡湖故屬京兆據此可以證王本之誤  
畢注右湖

桃杯縣西長城潼關是也

郡志一弘農郡華

引呂氏春秋九藪曰秦之華陽高誘曰或在

華陰西誘又曰桃林縣西長城是也晉地道

記曰潼關是也案其文義潼關是謂桃林

縣西之長城非謂秦之陽華也畢本誤以秦

之陽華冠於潼關是也之上今從王本又

案九藪秦之陽華在呂氏有始覽劉引作華

陽已誤高誘於此注云陽華在鳳翔或曰在

華陰西其桃林縣西長城是也並非此處注

山在縣西南郡志一弘農郡華陰有太華山劉注引王本縣上有華陽二字案當作華陰以漢志華陰屬京兆尹郡志晉志弘農郡但有華陰縣而無華陽縣也畢注右華陰

### 上洛郡

郡在洛上故以爲名

水經丹水注 畢本譌作渭水注

關當上洛縣西北

水經渭水下注土地記曰藍田縣南有峽關下以關

道記云云

畢本右 上洛當下有在字添誤

伊水東北入洛

郡志二弘農郡盧氏有熊耳山伊水清水出劉注引

注右盧氏

平陽郡

有堯城

郡志一河東郡平陽侯國有鐵堯城

此劉注引王本作鐵縣有堯城案

有鐵

二字屢見郡國志如安邑有鐵皮氏有

鐵雍有鐵漆有鐵不一而足蓋謂此地產鐵

有鐵官也王氏以有鐵二字爲鐵縣大誤

畢注右平陽

楊故楊侯國晉滅之以賜大夫羊舌肸漢以

爲縣屬河東郡後漢同魏置平陽郡楊縣屬

焉

寰宇記河東道晉州洪洞縣

路史國名

紀五引地道記楊侯國云晉滅賜肸案揚

當作楊

畢本王本並不引路史

有梁城去縣五十里叔嚮邑也

郡志一河東郡楊有高梁

亭劉注引

畢注右楊

晉武公曲沃徙此

郡志一河東郡襄陵劉注

郡畢本入河東郡蓋誤以漢郡爲晉郡也

畢注右襄陵

### 河東郡

咸山在南

郡志一河東郡安邑劉注引案前漢志座咸山在南此脫巫字

畢注右安邑

左傳文十三年詹嘉處瑕在縣西北

郡志一

猗氏劉注引

畢注右猗氏

雷首山一名滌山

初學記八右蒲坂案晉志河東郡蒲坂下注有

雷首山 畢本無此條

### 汲郡

有銅關

郡志一河內郡汲劉注引畢注右

朝歌本沫邑也詩云爰采唐矣沫之鄉矣殷

王武丁遷居之爲殷都也禹貢紂都在冀

州大陸之野卽此矣有糟邱酒池之事焉有

新聲靡樂號邑朝歌

水經淇水注畢本止朝歌城本沫邑也七字

餘俱無今從王本

畢注右朝歌案當引至爲殷都也

畢本此條後載陳藏器本草引王隱晉書

云庾袞入林慮山食本實餌石藥得長年也又注云右林慮案此是王隱晉書非地道記已錄入王隱晉書矣茲不錄

秦始皇改曰修武

水經清水注應劭地道風俗通云河內殷國也周名

之爲南陽又曰晉始啟南陽今南陽城是也秦始皇改曰修武徐廣王隱並云始皇改畢本此上有河內殷國也周名之爲南陽十一字然是應劭語非王隱語原文不知何若故止錄秦始皇七字畢注右修武王本無此條

河內郡

河陽有窮谷蓋本有窮氏所遷也

史記正義右河陽

畢本無此條

### 廣平郡

太康中立以隸廣平

水經濁漳水注又東過肥鄉縣故城北引邯鄲道

肥記云云 畢注右肥鄉 路史國名紀 立北  
肥太康口年立隸廣平 畢本王本俱未引  
路史

### 陽平郡

南有瑣陽城

郡志二魏郡元城有沙亭劉注引畢注右元城

樂平東南有夷儀道通襄國夷儀山在城北

故塞

寰宇記 河北道邢州龍岡縣 畢注右



畢本此條後題魏郡載御覽居處部一引  
王隱晉書云高堂隆刻鄴宮屋材云後若  
千年當有天子居此宮惠帝止鄴宮屋上  
剝更屋始見刻字計年在今時下注云右  
鄴案此條御覽兩引一見九十七一見一  
百七十三又見藝文六十二俱引王隱晉  
書非地道記已錄入王隱晉書矣茲不錄

兖州陳留國

畢本作郡案前漢志後漢志俱是郡晉志是國

儀封人此縣也

郡志三陳留郡後儀水大梁劉注引畢本作儀封人後

儀人此縣又也直是自造  
儀本大梁五字然是郡志語非地道記語  
王本此上有竣  
畢注右浚儀

長垣古衛故匡城地孔子所厄處也

御覽一百五

入畢注右長垣路史國名紀三引長垣  
南十里有衛故匡城孔子所厄畢本王本  
俱未引路史

在縣西左傳文十八年會郤缺于承匡

郡志

留郡襄邑有承匡城劉注引案此下有御  
桐門亭有黃門亭亦疑是地道記中語  
覽一百五十八引承匡城在縣西餘同會  
有晉字畢注右襄邑又於御覽下注云御  
覽誤列入長垣縣下案御覽分作兩條非  
列入長垣也

濮陽國

畢本國誤作郡案郡志是郡晉志是國

廩邱者春秋之所謂齊邑實表東海者也

水經

瓠子水注

畢本齊邑下有矣字引至此止

王本此下有竹書紀年至田布敗逋者也

五十八字案此是鄆氏語王本混入地道記畢注右廩邱

濟陽郡

有柁城

郡志三濟陽郡成武故屬山陽有郟城劉注引畢注右武成

高平國

縣多山所治名金山北有鑿石爲冢深十餘丈隨長三十丈旁卻入爲室三方云得曰兔

不葬更葬南山鑿而得金故曰金山故冢今

在或云漢昌邑所作或云秦時

郡志三山陽郡金鄉劉注

引

御覽五百五十七引王隱

晉書金山縣

北鑿石爲冢云得白蛇白兔及得金故曰金鄉

畢注右金鄉

畢本王本俱未引御覽

縣西有費亭城魏武帝初所封

郡志三山陽郡湖陸故湖

陸劉注引湖疑倒誤

畢注右湖陸

案今晉志作陸

### 東平國

有蚩尤祠狗城

郡志三東平國壽張劉注引畢注右壽張狗城作狗墟

在縣西北

郡志三東郡范有秦亭劉注引畢脫注右范二字

豫州穎川郡

社中樹暴長漢改名

郡志二穎川郡長社有長葛城劉注左傳隱五

年鄭圍長葛縣本名長葛下引地道記云云

畢木冠長社縣木名長葛於上案此是郡

國志語非地道記王本作有長社本長葛

於社中上添一以字直是自造地道記矣

畢注右長社

汝南郡

有房城

郡志二汝南郡吳房有棠谿亭劉注畢注右吳房

襄城郡

楚靈王築

水經汝水注汝水又東南逕襄城縣故城南引地道記云云畢注

右襄城

高陵山汝水所出

郡志二穎川郡定陵有東

陵

汝陰郡

有陶邱鄉詩所謂汝墳

郡志二汝南郡汝陰

注右汝陰陶邱作臨邱疑誤

故呂侯國

郡志一汝南郡新蔡有大呂亭劉

梁國

梁孝王築城二二里小鼓唱節杵下而和之

稱睢陽曲

郡志二梁國睢陽劉注引

昭十二年禦諸橫橫亭在縣南

郡志二梁國睢陽本宋國

闕伯墟有盧門亭劉注引

畢注右睢陽

陳城西南角有淮陽城漢淮陽國城也

寰宇記河

南道陳州宛邱縣

漸欲平

水經渠水注宛邱在陳城南道東王

作陳城南道東有宛邱漸欲平則是點窟水

經注自作一地道記矣王本作漸欲平今

不知所在矣案今不知六字是鄭氏水經注  
蓋當王隱之時宛邱漸欲平當酈道元之時  
則不知所在矣如謂此六字是王隱語則既  
不知所在何以知其漸欲平顯是二人語氣

流 畢引水經注作沙水案沙水是渠水之支

城北有故沙名之爲死沙水經渠水注城南郭裏又有一城名

曰淮陽城漢高十一年以爲淮陽國王莽更

名新平縣曰陳陵故豫州治引地道記云云

畢本城北上有陳字王本作淮陽城北

素漢志有淮陽國晉志並無淮陽郡縣之名

犖北有谷水水經渠水注溝水東南流谷水注之水源上承滂陂陂在陳城

西北陂水東流謂之谷水東逕犖城北引王

隱曰云云畢注右陳案晉志梁國陳在

項前畢本次於項後誤

有公路城袁術所築郡志二汝南郡項劉注引畢注右項

賈逵祠在城北水經穎水注穎水自瓌東南流逕項縣故城北又東右會



谷水谷水逕少城北又東逕魏濠州刺史賈逵祠王隱言祠在城北畢本無此條

畢本此條後引惠帝永康中復立陽夏縣  
下注寰宇記十檢寰宇記卷十河南道陳  
州宛邱項城商水南頓西華絕無此語當  
是誤引 王本引宋書作陽夏惠帝永康  
中復立案此是引晉地志與晉地記是一  
類非地道記

城南三十里有平城

郡志二陳國苦春秋時曰相有輔鄉劉注引

畢注右苦

沛國

有許城左傳定八年鄭伐許

郡志二沛國沛有泗水亭劉注

引

畢注右沛

去國二百六十州六百雒千二十五里

郡志二沛

國豐劉注引

右豐

案晉志沛國有豐縣

畢本無此條

左傳昭八年大蒐于紅

郡志二沛國紅劉注引畢注右紅晉書

地理志作虹

王本作昭八年大蒐于紅謂沛國紅縣末五字直自下注解非引書體例又脫去左傳二字

譙郡

左傳隱二年入向城在縣東南

郡志二沛國龍亢劉注引

畢注右龍亢

### 魯郡

葬孔子於魯城北泗水上

水經泗水注王本此下有今泗水

南有夫子冢案此是鄭氏語

在城東

郡志二魯國有五父衢劉注引畢

臨淄縣西南門曰曲門其側有池

郡志二魯國汶陽劉

注引

右汶陽

罪本無此條

案晉志魯

郡有汶陽縣王本首有桓十二年盟曲池案此七字是郡志劉注引左傳語在引地道記上非王隱語也又劉昭注云案魯桓與

杞莒盟不往齊地地道記爲妄故不附此條  
於齊國臨淄

夏車正

畢本脫車字

奚仲所封豕在城南三十里

山上

郡志二魯國薛劉注引

仲虺城在薛城西三十里

水經泗水注畢注右薛

### 弋陽郡

弦子國

水經江水三注江水又東逕西陽郡南郡治卽西陽縣也晉書地道記以

爲弦子國也

畢本作西陽郡弦子國也蓋從晉志王本作西陽郡弦子國案郡當作

縣蓋兩漢俱是縣並屬江夏晉志亦是縣屬弋陽

畢注右西陽

楚滅邾徙其君此城

郡志四江夏郡邾劉注引畢注右邾

安豐郡

在安豐之西南

水經決水注決水出廬江雩婁縣大別山春秋左傳襄公

二十六年楚子秦人侵吳及雩婁聞吳有備而還引地道記云云

畢本連左傳敘入直是白作地道記畢注右雩婁

安豐郡之屬縣俗名之曰安城

水經泚水注北流逕安豐

縣故城西引地道記云云

畢本首六字作安豐縣屬安豐郡直是自造不如王本冠安豐縣三字於上畢注右安豐

冀州趙國

有礫塞中谷塞

郡志二常山國房子贊皇山濟水所出劉注引畢注右

房子

有石塞三公塞

郡志二常山國元氏劉注引畢注右元氏

有石門塞燒梁關

郡志二趙國中邱劉注引畢注右中邱

### 平原國

有篤馬河

郡志四平原郡平原劉注引畢注右平原

### 樂陵國

厭次屬平原後屬樂陵國

史記高祖功臣侯者年表索隱

史國名紀七

右厭次

畢本王本俱無此

條 王本錄史記正義厭次屬平原

樂陵國有新樂縣水經淇水注

畢注右新

勃海郡

故阜邑爲阜城

寰宇記河北道冀州阜城縣木漢舊縣屬渤海郡故城在

今縣東二十二里阜城故城是也後漢屬安平國晉書地道記云故阜邑爲阜城

畢注

右阜城

畢本王本俱作改阜邑

河間國

中水縣屬河間

史記項羽本紀索隱 史記正義 路史國名紀七 畢

本不引史正義路史 王本不引索隱路史 畢注右中水

清河國

清河國凡領清河等六縣

初學記入 右國 畢本無此條

有鳴犢關

郡志二清河國靈劉注引

畢注

### 中山國

有陽安關陽城蒲陽山蒲水出也

郡志二中山國蒲本

曲逆章帝更名有陽城劉注引

蒲陰縣有陽安關

水經澹水注俱引作安陽

檢趙一清水

經注本是陽安畢本此下有蓋安陽都尉治俗名斯川爲陽安擴案蓋字己下是酈氏注安陽都尉趙本亦作陽安上有郡志二注可證顯係畢本王本所引誤倒畢注右蒲陰縣有馬安關郡志二中山國望都劉注引

望都縣有馬溺關

水經澹水注



望都縣有委粟關

水經注同上

畢注右望

### 常山郡

改屬趙國其常山郡移理於真定

寰宇記河北道鎮州

元氏縣

畢注右真定

自縣北行四百二十五里恒多山阪號飛狐

口

郡志二中山國上曲陽故屬常山恒山在西劉注引畢注右上曲陽

恒山在上曲陽縣西北百四十里北行四百

五十里得恒山峻號飛狐口北則代郡也

正義

案所引里數與郡志不同

畢注

此條

幽州

幽州因幽都山以爲名山海經曰西望幽都

之山今列於北方矣

寰宇記河北道幽州御覽一百六十二止引

首句無山字

畢本引寰宇記作山海經有

幽都之山蓋以山海經海內經云北海之內  
有山名曰幽都之山意謂王隱是用此處語  
故改曰西望爲有字而不知北山經錄于母  
逢之山下有西望幽都之山六字畢讀山海  
經不熟妄爲改易失之且原文有西望二字  
方與下列於北語意貫串若無此二字則下  
六字無著矣

舜以冀州南北廣大分燕地北爲幽州夏殷  
省燕併冀又爲冀州之域周復置幽州

寰宇記幽

州御覽一百六十一引舜以冀州至爲州  
州燕地北下有地字畢注右州王本不  
引寰宇記

顓頊之虛實在幽州路史國名紀三高陽氏  
後序錄畢本無此條

### 范陽國

屬范陽國

寰宇記河北道易州易縣本漢改  
安縣也地理志故安縣屬涿郡引

地道記云云畢注右故安

### 燕國

晉志燕國在上谷郡前畢先上谷  
郡後燕國誤

晉封劉禪爲公國

水經沽水注沽水又南逕  
安樂縣故城東引地道記

云云畢注右安樂案晉志作安國下注  
國相蜀主劉禪封此縣公

北平郡

案晉志北平在上谷前畢次於上谷郡後蓋誤從郡國志之次

鴻上關

水經滹水注滹水又東流歷鴻山世謂是處爲鴻頭疑卽晉書地道記所

謂鴻上關者

也關尉治北平畢注右郡

初學記定州

引水經注云定水東流歷山俗謂之戲頭卽晉書所謂鴻上關案初學記所

引水經注卽是滹水

注然與今本不同寔

宇記河北道定州唐縣鴻山關今名鴻下引

水經注云云與今本同

上谷郡

郡在谷之頭故因以上谷名焉

水經聖水注畢注右郡

遼西郡

遼西人見遼水有浮棺欲破之語曰我孤竹

君子也汝破我何爲因爲立祠焉祠在山上

城在山側

水經濡水注

畢本無見遼水三

王本

無子字

孤竹城屬合支晉書地理志無此縣故

附郡

宋李石續博物志卷八引遼水下有

見字

因立祠下有或曰漢靈帝時廉翻因夢

得之十二字而無祠在山上八字疑

是鄭注

此事出張華博物志

又案水經注城在山

側下有肥如縣南十二里水之會也證以國

名紀引孤竹城在肥如南十二里則此十一

字當亦是地道記語

畢本此條後題平州昌黎郡引昌黎有青

城山下注劉昭注補五又注云右昌黎檢

郡國志五劉注無此語又郡國志無昌黎  
郡縣名目晉志昌黎郡下注云漢屬遼東  
屬國都尉檢郡志遼東屬國昌遼故天遼  
屬遼西劉昭注引何法盛晉書有青城山  
畢氏所錄蓋誤以何法盛爲王隱矣

孤竹在肥如南十二里秦之離支漢令支也

營州皆其地

路史國名紀一

右肥如

畢

并州太原國

畢本國作郡課案作郡是  
郡志晉志作國

晉水出龍山一云出結紉山在縣西北

水經  
晉水

王隱晉書地道記

出晉陽縣西縣襄山酈注晉書地道記及十三州志並言云云右晉陽畢本無此條

少山卽大谷水衍出經祁縣界寰宇記河東道并州太谷

縣本漢陽邑縣屬太原郡引晉地記畢注

右陽邑案晉志太原國有邑陽有祁此云經祁縣當云右祁案寰宇記引作晉地記不知卽地道記否

上黨郡

縣有太行關丹谿爲關之東谷途自此去不

復由關矣水經沁水注絕水東南與泫水會水導源注谷而東會絕水亂流

南入高都縣右入丹水引地道記云云里注右高都

西河國

畢本引晉改茲氏爲隰城縣未注所出  
注云右隰城案兩漢志太原郡俱有茲氏  
寔宇記河東道汾州西河縣本漢茲氏縣  
曹魏於此置西河郡晉改爲國仍改茲氏  
爲隰城並不引地道記定屬誤引

西河有中陽城舊縣也

水經文水注文淵又東逕中陽縣故城東

按晉書地道記太康地記云云畢注右中

穀遠今各孤遠後代語譌耳

御覽一百六十三

東道威勝軍沁源縣引晉地記後代作因後

畢注右界休下注云案寔宇記晉省穀

王愨晉書也直記

三十一



入界休

畢本此條後題雍州下載藝文類聚地部  
引雍州兼得梁州之地西北之位陽所不  
及陰氣壅遏故取名焉又載太平御覽州  
郡十雍州西北之位陽所不及陰氣壅遏  
故以爲名又注云又州案此二書所引俱  
是晉太康地志非地道記畢氏誤錄

雍州京兆郡

枳道亭在霸水西

郡志一京兆尹霸陵有枳  
道亭劉注引宋敏求

安志一 畢注右霸城

有虎候山

郡志一

京兆尹藍田有美玉劉注

西鄭爲友之始封

水經渭水注引王隱曰

畢注右鄭

馮翊郡

蓮勺縣屬馮翊

寰宇記關西道華州下邽縣

扶風郡

有嶽薛山在北有鬼谷生三所氏

郡志一左

畢本下七字作鬼谷先生所居  
原引有脫誤生卽謂先生不必補先字三  
之字之譌氏與居形聲相近  
案實宇記關西道耀州三原縣嶽薛山白

雲陽縣界來連亘二原縣清水南自雲陽縣界流入一名鬼谷昔蘇張師事鬼谷先生卽此

郁夷省併郿蓋因王莽之亂郁夷之人權畢

脫權字

寄理郿界因併於郿

寰宇記關西道隴州汧源縣

省釐以併郿蓋取釐之南境渭之南以併郿

非省縣也

寰宇記關西道雍州武功縣王本併郿作併郡誤畢注右郿

西號地

水經渭水中注數源俱發源於雍縣故城南縣故秦德公所居也晉書地

道記以爲西號地也

畢本作雍縣秦德公所居西號地也蓋截取水經注以補文義之

不足然水經注不曰地道記云秦德公所居而在引地道記之上則地道記無此五字

兩

知 王本無此五字爲是 畢注右雍

汧縣屬秦國故城在今縣南漢置隴關西當

戎翟今名大震關在今縣西寰宇記關西道隴州汧源縣

畢注右汧 王本無此條

### 安定郡

烏水出郡志五安定郡烏枝有瓦亭出薄落

薄落谷直是自造地道記矣畢本作烏枝有烏水出

出烏枝縣龍池山案劉昭注出薄落谷下云

本傳有龍池山是謂司馬彪郡國志本傳有

此四字非謂地道記有此語也案所引地道

記蓋緊承出薄落谷而言今云出龍池山未

免牽混 畢注右安定舊烏枝縣下注云案

烏枝郡國志屬安定安定北地二郡由涼州  
自晉初皆移屬雍州此及泥陽縣亦久省今  
附此案晉志安定郡有烏氏縣氏音支卽  
漢烏枝也似不必云舊烏枝縣寰宇記關西  
道涇州保定縣烏亭史記云秦惠王取其地  
置烏氏縣屬安定郡有烏水出西北入河又  
云瓦亭續漢志云烏氏縣有瓦亭一名薄落  
亭據此則烏氏卽烏枝也當云右烏氏縣畢  
注甚鶻突

### 北地郡

泥水出郁郅北蠻中

郡志五北地郡泥陽有五作亭劉注引畢注

右北地郡舊泥陽縣

案晉志北地郡有泥

陽縣當云右泥陽似不必云北地郡舊泥陽  
縣王本此下有姑臧南山谷水所出入字  
案姑臧在武威郡泥陽在北地郡判然兩地

王本合而一之當由傳寫傳刻之錯未曾檢

### 始平郡

司竹都尉治鄠縣其園周百里以供國

宋敏求長

安志

畢注右鄠

蒯城屬北地

史記高祖功臣侯者年表索隱史記正義路史國名紀七

引蒯在北地

右蒯城

畢本無此條

王本未引索隱路史

### 新平郡

水在縣西

郡志一右扶風漆有漆水劉注引畢注右漆王本作漆水在美

陽縣西案郡國志美陽有岐山有周城是謂美陽縣漆有漆水是謂漆縣今以漆水混入

王隱晉書地道記

美陽大誤

涼州

涼州有龍形故曰卧龍城南北七里東西三  
里本匈奴所築也及王本張氏之世居也又

增築四城箱各千步東城植園果命曰講武  
場北城植園果命曰玄武圃皆有宮殿中城  
內作四時宮隨節遊幸并舊城爲五街衢相  
通二十二門大繕宮殿觀閣采綺妝飾擬中

夏也

水經禹貢山水澤地所在都野澤注

畢注右州引至本匈奴所築也

藝文

六十二引王隱晉書涼州城有卧龍形故卧龍城南北七十里東西三十里檢晉書張軌本傳是南北七十里東西三里與水經注合藝文所引七十三十二十字當衍畢本未引藝文

漢末博士敦煌侯瑾善內學語弟子曰涼州城西泉水當竭有雙闕起其上至魏嘉平中

武威太守條茂起學舍築闕於此泉太守填

水造門樓與學闕相望

水經都野澤注引王隱晉書畢本無此

條王本此下有泉源陡發重導於斯故有靈淵之名案此十四字是鄭注所以明上文水側有靈淵池中間離其詞引王隱晉書一段而又遙接此古人行文離續之法王氏不



知皆以地道記誤矣藝文六十二引王隱  
晉書至築闕於此無條茂二字王氏未引  
藝文

### 武威郡

此城匈奴所築名蓋臧後人語訛爲姑臧城

實字記隴右道涼州姑臧縣引王隱晉書  
畢本引水經河水注檢水經河水五篇並無  
此語案御覽六十二引晉書姑臧城匈奴新  
桑舊蓋臧城語訛後六姑臧然不云王隱晉  
書王本無此條

南山谷水所出

郡志五武威郡姑臧劉注引  
畢注右姑臧

南山松陝水所出

郡志五武威郡倉松劉注  
引畢注右倉松

西郡 畢本無

蘭池縣屬隴西郡

初學記八

右蘭池

隴字案

當衍 畢本無此條

晉昌郡 畢本無

惠帝以燉煌土界閔遠分立晉昌郡

文選盧

子梯詩注

案晉志無晉昌郡止并州新興

郡有晉昌縣後敘云惠帝改新興爲晉昌郡

又於涼州後敘云元康五年惠帝分敦煌郡

之宜禾伊吾宜安深泉廣至等五縣分酒泉

之沙頭縣又別立會稽新鄉凡八縣爲晉昌

郡檢寰宇記隴右道瓜州晉昌縣本漢寘安

縣地地理志屬燉煌郡寘水名也晉置晉昌

郡及寘安縣據此則晉有晉昌郡其晉志敦

煌郡之宜安當作冥安以兩漢志敦煌郡俱有冥安而無宜安也

畢注無此條

晉昌護中郎將別立戶

文選同上

右郡

### 秦州隴西郡

有三危三苗所處

郡志五隴西郡首陽有鳥鼠同穴山渭水出劉注引

畢注右首陽

路史國名紀二引鳥鼠同

穴西有三危山三苗所處

畢本作首陽有三危山王本作三危山在隴西俱太泛路史

作鳥鼠同穴西可據王云朱謀璋水經箋引此下云故有苗谷畢本未引路史

縣有禹廟禹所出也

水經河水二注又東北逕大夏故城南地理志

曰王莽之順夏引地道記云云畢注右隴西郡舊大夏縣案晉志隴西郡無大夏縣

故畢注舊大夏縣

### 南安郡

南安之屬縣也

水經渭水上注又東北注與新川又東北逕興新縣北引

地道記云云

案

晉志南安郡有新興縣此畢注右新縣案當云新

興縣

### 天水郡

天水始昌縣故西城也亦曰清崖峽

水經漾水注

王本決下有西字大誤案下文西漢水又西

南逕宕備戍南西字連下漢水不連上岐字

此篇水經注言西漢水甚多王氏豈未之一

檢耶

右始安

畢本無此條

漢陽有大坂名隴坻亦曰隴山郡處其西故

曰隴西其山堆旁崩聲聞數百里揚雄所謂

響若坻頽者也

御覽一百六十五

案晉志

爲漢陽晉復爲天水

郡注云漢武置郡也

郡志有漢陽而無天水

此云漢陽蓋依郡志也

紀者以郡志成紀

案當云右郡畢云右成

名隴坻之文也

不知隴州自是縣名與成紀

無涉案郡志沛國譙

刺史治譙是縣山陽郡

昌邑刺史治昌邑

是縣東海郡刺史本國刺史

治刺是縣武陵郡

漢壽刺史治漢壽是縣九

州刺史治雒州

是縣則此隴州刺史治隴州

爲縣城可知其與成紀

固二縣也案前漢志

天水郡有成紀

又有隴師古曰今呼隴城縣

者也則郡志之隴州卽前志之隴與成紀然兩地郡志蓋謂隴州是刺史治非謂成紀卽隴州刺史治也何得牽混今晉志旣無隴一縣吾故曰當云右郡以晉志之天水卽郡志之漢陽也

### 武都郡

有街泉水

郡志五武都郡河池劉注引

### 梁州

梁州南至桓水西底黑水東限扞關今漢中巴郡汶山蜀郡漢嘉江陽朱提涪陵陰平廣漢新都梓潼犍爲武都上庸魏興新城皆古

梁州之地

水經洹水注

魏末克蜀分廣漢巴涪陵以北七郡爲梁州  
理漢中之沔陽歷晉太康中則又移理漢中  
郡寰宇記山西道梁州興元府引王隱晉書

梓潼郡

五婦山馳水出建安二十年劉備以爲郡

郡志

五廣漢郡梓潼劉注引畢注右梓潼王  
本以建安十字另爲一條甚是蓋馳水出五  
婦山是一事劉備以漢之廣漢郡梓潼縣爲  
梓潼郡又是一事兩句各不相蒙

梓潼郡有漢德縣

宋書州郡志四漢德在新都郡下

畢注右

誤案晉

志梓潼郡有漢德

### 新都郡

有紫巖山縣水之所出焉

郡志五廣漢郡縣  
竹劉注引畢注

右縣竹

### 巴西郡

平州屬巴郡

史記高祖功臣侯者年表索隱  
史記正義路史國名紀七

右平州  
路史

畢本無此條

王本未引索隱

### 巴東郡

入湯口四十三里有石煮以爲鹽石大者如



升小者如拳煮之水竭鹽成蓋蜀漢火井之

倫水火相得乃佳矣水經江水一注右胸

經注江水又東右逕胸縣故城南常璩曰

縣在巴東郡西二百九十里江水又東逕瞿

巫灘左則湯溪水注之水源出縣北六百餘

里上庸界南流歷其縣翼帶鹽井一百所下

卽引晉書地道記入湯口云所謂入湯口

者卽指上湯溪水也故當屬之狗臆縣水經

注於此事後方云江水又逕魚腹縣之故陵

南則不當屬之魚腹可見王本乃佳矣下

有湯溪下與檀溪水合上承巴渠水巴渠南

垂檀井谿之檀井水下入湯水又南入於江

名曰湯口案此是水經注證明地道記湯口

之說非地道記有此數十字也王本連敘誤

益州蜀郡

姜維於此置城

寰宇記劍南西道雅州盧山縣本秦嚴道縣晉書地理志

姜維於此置城案晉志無此語則地理志是地道志之誤無疑

右嚴道

畢本五本俱無此條

### 牂柯郡

有沈水

郡志五牂柯故且蘭劉注引

畢注

不狼山豎水所出

郡志五牂柯郡豎水所出

寧州雲南郡

案晉志序云武帝太始七年分益州置寧州

連山無血水所出

郡志五益州郡楛楛劉注引

鹽池澤在南

郡志五越嶲郡姑復劉注引

郡在牂柯郡前案晉志越巂郡無姑復雲南  
郡有此縣故移置此

有澤在縣東

郡志五永昌郡襟榆劉注引  
右襟榆 畢本無此條 王本

上有弔鳥山三字案弔鳥山是劉注引廣志  
語與地道記無涉何得妄爲連屬

### 興古郡

治此

水經溫水注溫水又東南逕律高縣南  
劉禪建興三年分牂柯置興古郡治宛

溫縣晉書地道記治此 畢本作劉禪建興

三年分牂柯置興古郡治律高 王本作牂

柯治宛溫縣 案晉志興古郡有律高縣又

有宛溫縣律高爲首縣則當作治律高然尋

按水經注文義緊接治宛溫下引地道記則

不得遠承逕律高之文則又當屬宛溫俟考

畢注右律高

有文衆水

郡志五  
胖柯郡句町劉注引

畢

有橋水出橋山

郡志五  
益州郡毋掇劉注引

畢注

南烏山出錫

郡志五  
益州郡賁古采山出銅

右賁古

王本烏山說作島

劉注引畢注

水東至毋掇入橋水

郡志五  
益州郡勝休劉

引地道志云云

畢本右勝休案郡志作

勝休水經溫水注梁水上承河水於俞元縣

而東南逕興古郡之勝休縣王莽更名勝樊

縣梁水又東逕毋掇縣左注橋水據此則當

作勝休前漢志益州郡亦作勝休下注云河

水東至毋掇入橋今晉志作勝畢蓋從晉志

作勝休案勝字誤

興古郡漢興縣

宋書州郡志四

畢注右漢

古郡

### 建寧郡

銅虜山米水所出

郡志

五益州郡

同瀨

劉注

王云水經注作銅瀨

縣談虜山

案前漢志益州

郡朱謀瑋箋引作同虜山

郡

銅瀨下注談虜山

迷水所出

東至談稟入

涇水

經注蓋本此

檢水經溫水

出牂柯夜郎

縣

酈注溫水自縣

西北流

逕談藁與迷水合

水

西比益州郡之

銅瀨縣

談虜山東逕談藁

縣

右注溫水據此

則郡志所引

地地道記米水

誤

當作迷水蓋米水

即涿水

出茶陵縣在湖

南

衡州府與此無涉

其漢志之東

至談稟入

涇

涇亦是溫字之訛

訛

青州齊國

有羌頭山

郡志四北海國東安平故屬淄川

脫山字

濟南郡

養澤在西幽州藪百萊山萊主祠郡志四北

注引王本作養澤在下密縣西下同

注右下密案郡志北海國下密安帝復拒

劉注引地道記在拒字下蓋下密一縣拒又

一縣也不得刪去拒字檢郡志北海國十八

城劇營陵平壽都昌北海國十八

于夷安平昌膠東朱虛東安平高密昌淳

觀陽為十八城若除去拒縣止十七城

畢氏王氏以晉志無拒縣故以下密當之而  
不知拒與下密是二縣也案前漢志徐州琅  
邪郡長廣下注云有萊山萊王祠奚養澤在  
西檢晉志青州長廣郡統縣三不其長廣疑  
擬與拒字形相近又案郡志拒字誤當作拒  
卽前志琅邪郡之拒縣晉志不其長廣二縣  
俱在漢琅邪郡則擬必是拒字之誤蓋亦在  
漢琅邪郡也然則此條當屬之長廣郡令姑  
從畢本而辯證之

### 樂安國

狄伐衛懿公

郡志四樂安國臨濟本狄安帝  
更名劉注引路史國名紀一

翟古翟國後下引地道記伐衛懿公者畢  
本作臨濟本狄左傳狄伐衛懿公案臨濟本  
狄四字是郡志文又添左傳二字直是自作  
地道記矣王本作臨濟本狄代衛懿公者

案伐衛上脫一狄字  
訟公下添一者者文義  
更不通暢畢注右臨濟  
畢本王本俱未  
引路史

### 北海國

畢云晉書地理志無今從晉太康地記

鄆城在縣西

郡志四北海國都昌劉注引

晉志在襄陽與此無涉案春秋莊元年齊師遷紀邢鄆郡注北海都昌縣有訾城卽鄆城也又路史國名紀三訾今濰之都昌卽鄆訾故城國本屬紀一作鄆西訾也齊遷之然則鄆卽訾也考寰宇記河南道濰州昌邑縣古都昌之地漢更昌邑縣魏晉因之訾城在縣西一百一十五里今案昌邑兩漢志在山陽郡晉志並無昌邑縣不知何據畢屬之北海國漢北海郡當晉志齊及樂安二國之地



東萊國

畢本作郡案兩漢是郡晉志是國

東萊掖縣有過鄉北有過城古過國也

史記吳太

伯世家索隱引有過城引索隱路史

右掖史記正義路史國名紀六畢本無此條王本未

縣東二百三十里至海中連岑有土道秦始

皇登此山

畢本脫山字

刻二碑東二百三十里有

始皇漢武帝二碑

郡志四東萊郡黃劉注引畢注右黃

有百枝萊君祠

郡志四東萊郡愷侯國劉注引畢注右愷

徐州東海郡

海中去岸百九十步有秦始皇碑長一丈八尺廣五尺厚八尺三寸一行十三字潮水至加其上三尺去則三尺見也

郡志三東海郡贛本屬琅邪建

初五年復劉注引

畢注右贛榆

海中去岸百五十步有秦始皇碑濶五尺厚

三尺八寸

初學記八引王隱晉書案所引與郡志注不同畢本無此條

故魯次室邑列女傳有漆室之女或作次室

郡志三東海郡蘭陵有次室亭劉注引畢注右蘭陵

徐州部東海郡蘭陵縣

文選沈休文齊故安陸昭王碑文注畢

本王本俱無此條

三隱晉書地理志

戚屬東海

史記高祖功臣侯者年表索隱

右

戚

畢本無此條

王本未引索隱路史

琅邪國

畢本無

陽都屬琅邪

史記高祖功臣侯者年表史記正義右陽都畢本無此

條

路史國名紀七引陽都屬臨淮

案晉

志琅邪國有陽都縣臨淮郡無

王本未引

索隱路史

東莞郡

畢本無

有渠邱城

郡志四北海國安邱有渠邱亭劉注引右安邱案晉志東莞郡

有安邱畢本屬之北海國竝注云晉地理志無此縣殊失考

有石高山

郡志三齊國臨胸有三亭古擲邑劉注引右臨胸畢本無此條

廣縣在東莞

史記高祖功臣侯者年表索隱

在作屬畢本無此條王本未引索隱路史國名紀七

### 廣陵郡

有博支湖

郡志三廣陵郡射陽故屬臨淮劉注引右射陽畢本無此條

### 荊州南郡

陶朱冢在華容縣樹碑云是越之范蠡

水經夏水

注畢注右華容

襄陽郡

永康元年襄陽郡上言得鳴石鐘聞七八里

御覽五十一引王隱晉書 畢注右郡 案此條當入王隱晉書

義陽郡

義陽郡以南陽屬縣爲名 水經淮水注淮水

南義陽郡治也 屬縣言晉太始中割南陽東

郡之安昌平林平氏義陽四縣置義陽郡於

安昌城又太康記晉書地道記並有義陽郡

以南陽屬縣爲名 右郡 畢本此條下注

宋書州郡志三檢宋州郡志三無此語定屬

謬注 王本採水經注止錄義陽郡三字

案前志南陽郡有育陽涅陽堵陽蔡陽筑陽

棘陽比陽朗陽昏陽湖陽紅陽復陽諸縣而

無義陽郡志有魯陽堵陽比陽復陽棘陽澗陽育陽涅陽蔡陽筑陽順陽諸縣而無義陽不知以南陽屬縣爲名謂前漢乎謂續漢志乎若謂晉之南陽國亦有魯陽消陽堵陽比陽涅陽諸縣而無義陽唯義陽郡有義陽縣尋其縣絡蓋謂分漢南陽郡之蔡陽棘陽穰平氏隨鄧朝陽七縣別立義陽郡而又加以新野安昌頓義陽平林之五縣也其七縣於南陽爲屬縣故曰以南陽屬縣爲名王氏不達斯義止截取水經注義陽縣三字蓋亦未嘗細按故耳

畢本此條後題魏興郡引安康縣屬魏興郡下注太平寰宇記一百四十一又注云右安康檢寰宇記一百四十一山南西道

金州漢陰縣漢安陽縣晉太康元年更名  
安康縣太康地記及太康志晉書地理志  
並屬魏興郡今晉志魏興郡六縣有安康  
並非地道記訛爲地理志也洵屬誤引

又王本引水經注有魏興郡三字下注朱  
謀埜箋引晉興地志魏興郡六縣有洵陽  
而無興陽案晉興是魏興郡之首縣何以  
有地志疑是晉書地志檢今晉志魏興郡  
六縣有洵陽無興陽蓋卽晉地理志也所

引亦誤水經注之魏興郡見沔水篇上

畢本又於此條後題上庸郡引武帝太康  
元年改上庸之廣昌爲庸昌二年省下注  
寰宇記一百四十一檢寰宇記一百四十  
一山南西道金州商州無此條當是誤引  
王本引宋書案宋書州郡志三上庸太  
守下無此語亦屬誤引

宜都郡

宜都吳分南郡立

宋書州郡志三  
畢本未注所出

右郡  
王本引



水經注宜都郡三字案所引在引淮水義陽郡後決水雩婁在安豐縣之西南前檢水經注淮水後決水前是泄水清水隱水濯水灑水灑水澗水滲水蘄水都未檢出疑有誤

零陵郡

縣有香茅氣甚芬香言貢之以縮酒也水經

注營水又西北逕泉陵縣西引地道記云云畢注右泉陵

應陽縣本泉陵之北部東五里有鼻墟言象

所封也山下有象廟言甚有靈能興雲雨水經

湘水注引王隱曰王本引寰宇記同又引史記正義至象所封也檢寰宇記嶺南道

南雄州始興縣鼻天子故城下注水經注云邪階水側有鼻天子城王隱晉書大泉陵縣

北部東五里有鼻墟象所封案所引大是本  
字之誤而王本引史記注下云寰宇記引有  
山下至雲雨云云疑所引有錯誤畢本錄  
水經注引至象所封也又云史記正義卷一  
引王隱晉書畢注右應陽

### 安成郡

宜春縣出美酒隨歲舉上供刺史親付計吏

寰宇記江南西道袁州宜春縣初學記八  
引至隨歲舉上舉作貢畢注右宜春

### 揚州淮南郡

畢本無

苟晞曰淮陽之地沮塗山南枕靈嶽

王引文選注

案晉志淮南郡平河下注有塗山右平河  
畢本無此條尚未檢出文選注在何處

三隱晉書地理志  
檢晉書荀晞傳並無此語

漢明帝時歷陽淪爲麻湖亦古歷陽城之城

地在縣西三十里源出桑山

寰宇記淮南道和州歷陽縣引

晉書地理志案晉志淮南郡阜陵縣下注漢明帝時淪爲麻湖而於歷陽下無說則寰宇記所引是必地道記訛爲地理志也

歷陽

畢本無此條

右

畢本於安成郡宜春縣一條後題揚州吳

郡引吳有鹽官縣下注水經注江水檢江

水注三篇並無此語惟江水一江水又東

逕臨江縣南王莽之監利也華陽記曰縣

在枳東西東接胸忍縣有鹽官亦無所譜  
鹽官縣也且其地亦非吳郡檢漢志會稽  
郡有海鹽下注故武原縣有鹽官蓋謂此  
縣立鹽官非謂鹽官縣也鹽官縣唯見漢  
志西河郡畢氏所引不知何據案晉志吳  
郡有鹽官縣得無以此而誤歟

畢本又於此條後題吳興郡引陽羨有章  
浦亭周處封章浦亭侯卽此下注太平寰  
宇記卷九十三又注右陽羨下注云案晉

書地理志惠帝永興元年割吳興郡之陽羨立義興郡則吳興郡應有此縣檢寰宇記九十三並無此條惟卷九十二常州宜興縣章浦亭在縣西二十五里浦側臧榮緒晉書云周處封章浦亭侯今以臧氏之晉書訛爲王氏之地道記失考

廬江郡

尋陽南通五嶺北導長江遠行岷漢一亦都

會

御覽一百七十 畢注右尋陽 寰宇記江南道江州引潯陽南開陸道途通五嶺

北導長江遠行江漢來商納賈亦一都會也  
畢未引寰宇記 王本引御覽

### 晉安郡

晉安郡太康三年置

文選謝眺酬王晉安詩  
注引王隱晉書 右郡

畢本王本俱無此條

### 鄱陽郡

鄱陽樂安出黃金鑿土十餘丈披沙之中所

得者大如豆小如粟米

初學記二十七引王  
隱晉書 御覽八百

十一引王隱晉書  
無之中二字得下無者字

事類賦金引王隱晉書  
右樂安 畢本  
無此條 王本未引御覽事類賦

廬陵郡

太康中以雩都贛南野等縣割爲南康郡而

廬江百姓去管遙遠乃移郡於石陽縣今舊

州東北故城是也

寰宇記江南西道吉州引  
晉地記今舊州九字當

是樂氏語王本無

畢本右石陽案晉地

記疑與宋書州郡志引晉記同當別是一書  
今姑從畢氏王氏列之正文

交州合浦郡

朱崖在大海中遙望朱崖洲大如茵舉帆一

日一夜至洲周匝二千里徑度七八百里可

千萬家女多姣好長髮美髻

御覽六十九引  
王隱晉書

晉志交州序云平吳後省珠崖入合浦

### 交阯郡

南越侯織在此

郡志五交阯郡  
羸樓劉注引  
畢注右羸樓  
案郡志作

羸樓晉志作羸樓

### 新昌郡

畢本無

麋水西受徼外東至麋冷入尚龍谿

郡志五  
牂柯郡

西隨劉注引

右麋冷

畢本此條在牂柯

郡云右西隨下注晉書地理志無此縣

案

本文有至麋冷三字檢晉志新昌郡有麋冷  
縣則當入之新昌郡



九真郡

九真郡有松原縣

水經溫水注原

畢注右松

九德郡

有九德縣

水經溫水注

九德郡有南陵縣晉置

水經溫水注

宋書

九真南陵下云何志晉武帝立太康地志無

王隱有畢注右南陵

九德郡有浦陽縣

水經溫水注

畢注右浦

日南郡

南郡象林南有四國皆稱漢人貢金供稅

初學

記二十七引王隱晉書 御覽八百十引王  
隱晉書 案南郡上脫日字 右象林 畢  
本無此條 王本未引御覽

郡去盧容浦口二百里故秦象林郡象林縣  
治也永和五年征西桓溫遣督護滕駿率交  
廣兵伐范文於舊日南之盧容縣爲文所敗  
卽是處也 水經溫水注 畢注右盧容引至  
象林縣治也

朱吾縣屬日南郡去郡二百里此縣民漢時  
不堪二千石長吏調求引屈都乾爲國林邑

記曰屈都夷也 水經溫水注 畢注右朱吾  
王本引至去郡二百里

疑林邑下是酈注

廣州臨賀郡

臨賀郡屬南海

未書州郡志五

賀王本無此條

畢注右臨

蒼梧郡

高要縣東去郡五百里刺史夏

畢本夏

避毒

從縣水居也

水經浪水注引晉書地理志

王本此下有縣有

案晉志無此語畢注右高要

龍山合水所出

郡志五蒼梧郡

猛陵劉注引

州刺史何敞云云則此五字係是酈注

畢注右猛陵

郡國志河南尹雒陽周時號成周劉昭注  
補引元康地道紀曰城內南北九里七十  
步東西六里十步爲地三百頃一十二畝  
有三十六步城東北隅周威烈王家案此  
引元康地道紀雖有地道二字不能定爲  
王隱書附錄於此

續漢書百官志三注引晉太康地道記曰  
後漢固始鮦陽公安細陽四縣衛士習此  
曲於闕下歌之今雞鳴是也案此引雖有

地道記三字而冠太康於上亦不能定爲  
王隱書也姑附錄之

文選謝靈運從斤竹澗越嶺溪行詩注引  
元康地記猿與獼猴不共山宿臨且相呼  
案此與郡國志所引當另是一書亦併附  
錄於此

路史國名紀五今臨潼東二十四有故麗  
城下注道里記云高一丈五尺案道里記  
不知何書亦併附此

畢本於梁州後題漢中郡引宋書州郡志

三稱晉地記孝武太元十五年梁州刺史

周表立

王本亦引此條

下注云案晉書王隱傳隱

撰晉書當成於成帝時下距太元十五年

已遠此晉地記當是別一書姑附錄於此

既云姑附錄則不當列入正文

又於新都郡後引州郡志

四梓潼郡有漢德縣

王本引

又題晉壽郡引

州郡志三稱晉地記孝武太元十五年梁

州刺史周馥表立晉壽郡

王本亦引此條晉壽郡在孝武

上又於已東郡後題南漢中郡引州郡志

四稱晉地記孝武太元十五年梁州刺史

周瓊表立王本亦引此條又於興古郡滕休縣後

引州郡志四興古郡漢興縣王本引作漢興縣屬興古

郡又於襄陽郡後題義陽郡引州郡志三

義陽郡以南陽屬縣爲名王本引水經注義陽郡三字

又於上庸郡引武帝太康元年改上庸之

廣昌爲庸昌二年省畢引寰宇記王引宋

書俱誤又題宜都郡引吳分南郡立宜都

郡

王本引水經注  
宜郡郡三字

未注出處又題九德郡

引州郡志四九德郡有南陵縣晉置

王本  
引水

經又於日南郡後題廣州東官郡引州郡

志五海陽縣故屬夷官綏安縣故屬東官

海陵縣故屬東官潮陽縣故屬東官

王本  
未引

又題臨賀縣屬南海下注云同上凡引宋

書州郡志十二條案畢氏謂王隱晉書成

於晉成帝時下距孝武太元十五年已遠

誠是檢晉書王隱傳乃依征西將軍於武



昌亮供其紙筆書乃得成詣闕上之據成  
帝紀庾亮爲征西將軍在成帝咸康中庾  
亮傳咸康六年薨時年五十二意王隱年  
歲當與之上下隱傳言年七十餘卒於家  
則去亮卒不過二十七餘年考成帝咸康八  
年崩去亮卒二年耳又康帝立二年又歷  
穆帝永和十二年升平五年又歷哀帝隆  
和一年興寧二年又歷海西公太和六年  
又歷簡文帝咸安二年又歷孝武帝寧康

三年然後至太元十五年則上距庾亮卒  
幾五十年計隱之卒當在升平隆和興寧  
之間其不得至太元十五年也審矣則州  
郡志所引晉地記其爲別一書無疑又案  
宋書州郡志體例於太康地志則云太康  
地志或云太康地記於王隱地道記則必  
標出王隱檢宜都太守下云太康地志王  
隱地道並云吳分南郡立於南頓令漢舊  
縣何故屬汝陽下云案晉太康地志王隱

地道無汝陽郡汝陽太守下云晉太康地  
志王隱地道無此郡上饒男相吳立下云  
太康地志有王隱地道無已上數條引地  
道俱有王隱二字又臨賀侯相下云晉太  
康地志王隱云屬南海又房陵令漢舊縣  
屬漢中下云太康地志王隱無又武陵令  
前漢屬漢中後漢晉太康地志王隱並無  
又梓潼太守按二漢並無漢德縣晉太康  
地志王隱並有又於桂林太守晉武帝太

康元年分龍岡立長安下云太康地志有  
王隱無又於九德太守南陵長下云太康  
地志無王隱有已上皆舉王隱並無地  
道二字則凡所引晉地記既與地道書名  
不合又無王隱二字斷非一書可知故不  
從畢氏列之正文而詳辨於此又畢氏所  
引宋書州郡志三義陽郡以南陽屬縣爲  
名檢州郡志無此語蓋誤以水經淮水注  
爲宋書也又畢氏引州郡志四興古郡漢

興縣檢州郡志四是引晉地志與晉地記  
是一類非地道記也故不列之正文又畢  
氏引惠帝永康中復立陽夏縣下注寰宇  
記十案寰宇記無王氏引宋書案見州郡  
志二引晉地志與興古郡一條同又畢氏  
引吳分南郡立宜都郡未注出處案此是  
州郡志三引王隱地道與泛引晉地記不  
同故入之正文又所引州郡志五東官郡  
四條案宋書俱引晉地記畢本不注明且

州郡志至四而止並無州郡志五蓋畢氏  
均未及細檢其中惟吳分南郡立宜都郡  
梓潼郡有漢德縣九德郡有南陵縣臨賀  
郡屬南海四條是王隱書餘俱非也

王本引水經注惠帝使校尉陳總仲元詣  
洛陽山請雨總盡除小祀惟存大石而祈  
之七日大雨案所引見伊水注又引見初  
學記五事類賦七書鈔一百六十陳禹謨  
補並引王隱晉書非地道記也蓋諸書所

引有引王隱曰有引王隱晉書卽是地道  
記者有非地道記而爲王隱晉書者須分  
別觀之

又載朱謀瑋水經注箋引晉地志蜀置涪  
陵郡領縣五晉因之案今晉志梁州涪陵  
郡注云蜀置統縣五蓋朱氏所云卽晉書  
地理志也王氏誤引

又載朱謀瑋箋引晉地理志臨賀郡吳置  
紉縣六曰臨賀謝沐馮乘封陽興安富川

案今晉志廣州臨賀郡注云吳置統縣六  
卽臨賀等六縣也況朱氏已明云晉地理  
志何得誤以爲地道記

又引寰宇記軍都縣屬燕國檢寰宇記河  
北道幽州昌平縣此六字是引太康地記  
王氏誤引